

丁丑春仲

燒塘羅道

唐



補白

上南車中聯句

庚午七月十一日余及楚英軼倫二姊乘首班赴滬得值朱太忙姻兄於車次一時吟興過發即景成句洵足樂也自慚不學未嫻吟詠附隨

驥尾殊增額汗耳

養怡居士記

姊妹同車望滬行。怡太忙邂逅養怡生。忙倚窗枯坐無聊甚。軼低唱聯吟詩句清。楚

旭日初升霧未消。楚秋蟬高唱戀林梢。軼迷濛遠樹依稀認。怡車走雷聲語正饒。忙

吟和車聲走不知。忙三林過後到楊師。怡日高漸覺征途熱。楚人愈多時汗愈滋。軼

人皆飛步到江舟。軼上座無多佔下游。楚蠅蚋雖多心自靜。忙乘風破浪快賡酬。怡

養怡草堂圖徵詩文啟

養怡垂髫失怙。終鮮兄弟。賴母氏劬勞。鞠育成立。行年三十。建樹無成。慚惶曷已。每念駒光如逝。少壯蹉跎。不自淬礪。何以對先人。更何以自問。爰倩渭莘葉先生。繪成養怡讀書圖。懸之座右。花晨月夕。披卷相對。敘天倫之樂事。亦藝林之佳話。惟思既張法繪。而乏名題。則明珠韞櫝。厥美不彰。擬懇文壇碩彥。闡閤才媛。錫以詩詞文賦。斯璧合珠聯。輝增蓬蓽。恍聚良朋於一室。實攻錯於他山矣。不論片辭隻字。亦當什襲珍藏。永留紀念。謹布小啓。延跂爲勞。

民國二十六年丁丑春三月中浣

南匯姚永年養怡甫謹啓

賜件請寄 上海浦東周浦鎮刷布街十六號姚宅

附徵聯

錢化佛畫佛化錢（按錢君爲海上畫佛聖手）

予於前歲刊浦東各報。徵續下聯。雖應者不尠。然鮮與原題相洽。茲再徵求。以冀璧合。尙希博學君子。不吝賜教。無任榮幸。

秋塘蜀道詩目錄

卷上

成都雨發	一
晚抵雙流	一
渡洋馬河	一
卓王孫宅	一
文君井	一
嚴君平故里	一
鶴山書院	二
邛州道中	二
迎暉閣晚眺	二
屋漏和白華先生韻	二
邛州使院古桂歌	二
大暑前二日霽登迎暉閣望灌口	三
諸山積雪	三
金雞關	四
宿百丈驛	四
平羌渡望鐵索橋	四
登雅州城樓	五
雅州安使院絕句	五

雅州立秋日作	五
孟山塘	七
竹屋	七
板屋	七
兩關山	七
大相嶺	七
清溪縣	八
錢篋	八
仙人洞	八
大渡河	八
越嶲道中	八
仙人掌	九
曬經石	九
由平夷至大灣	九
宿海棠驛	一〇
羅羅河	一〇
小相嶺	一〇
下相嶺歷象鼻白石塘雨大作	一〇
聖泉	一一
冬青	一一

秋蜀塘道詩 目錄

鷄鵝	一一
瀘沽峽	一一
七夕抵寧遠	一二
寧遠四首	一二
中元節西昌院齋對雨	一二
使院望邛池	一三
汎舟邛海登瀘山寺	一三
名山劉明府招遊蒙頂	一四
中秋迎暉閣遲月	一四
題楊邛州吟風閣曲譜	一四
璞函趙丈殉難詩	一五
錦江舟發	一五
眉州行	一六
青神曉發	一六
嘉定	一六
柑	一六
登嘉定城樓望峨眉山	一七
舟中望凌雲山	一七
健爲	一八
霧泊和白華先生韻	一八
紋州	一八
自鎖江亭放渡游涪溪	一八

二

涪洞	一八
流盃池	一九
大茅峽	一九
瀘州	一九
撫琴臺	一九
九龍灘	二〇
重慶	二〇
題蔡太守出峽圖	二一
永川松化石二首	二一
次白華先生曉登忠州城樓韻	二一
屏風山謁陸宣公墓	二一
寄鷗邛明府遷安	二一
寄鄂不	二二
夔州詠古四首	二二
甘后墓	二二
赤甲山	二三
相公橋	二三
灩澦堆	二三
補鍋行	二三
食鮪魚呈白華先生	二四

卷下

雨夜懷冶堂楚中……………二四

曉登永安亭……………二四

望白鹽山雲氣……………二四

紫竹園女史陳絳綃以四詩索

升菴梨花一枝次韻……………二四

題澹園太守棧道圖……………二五

錢送白華學使還朝……………二五

送錢牧也權榮經令……………二六

升菴催梅詩二首……………二六

寒夜有懷……………二七

火浣布……………二七

小除日過張前之園……………二七

新繁道中……………二七

人日立春宿花藥寺……………二八

通波橋……………二八

贈古華楊明府……………二八

成都上元絕句八首……………二八

升菴紅梅感開榕巢觀察以墨

梅題詞見貽賦答……………二九

榕巢觀察於升庵前添種梅花

一株作短歌……………二九

升菴前復添綠萼梅一株和榕

巢觀察作……………二九

題聽簫圖……………二九

贈劉純齋學使……………三〇

乞沈澹園太守畫山水用東坡

煙江疊嶂圖韻……………三〇

升菴梨樹作花屬題……………三〇

海棠……………三一

櫻桃花……………三一

贈孟補堂……………三一

送堯峯之合江……………三一

贈胡晴軒中翰……………三二

升庵梨花下作……………三二

朱賓谷明府過訪賦贈……………三二

題堯峯入蜀圖卽送其出蜀

歸維揚……………三三

七月廿八日遊草堂寺……………三三

展重九集升庵賞菊……………三四

昭覺寺……………三四

郫縣揚子雲墓……………三五

楊太尉墓……………三五

惠陵……………三五

國士橋……………三六

秋塘蜀道詩 目錄

籌筆驛·····	三六
長平坑·····	三六
定軍山諸葛公墓·····	三六
姜伯約墓·····	三七
張桓侯墓·····	三七
龐靖侯墓·····	三七
譙周祠·····	三七
費敬侯墓·····	三八
蘇武牧羝圖·····	三八
鴻門·····	三八
紫柏山留侯祠·····	三九
武侯祠·····	三九
劍閣·····	三九
武擔山·····	三九
天回山·····	四〇
班孟堅墓·····	四〇
韓侯嶺·····	四〇
趙城·····	四〇
井陘關·····	四〇
馬道·····	四一

四

師曠故里·····	四一
江油·····	四一
題朱凝臺桐月照·····	四一
篆仙刺史出蜀圖·····	四一
題畫簾送篆仙·····	四二
次韻答榕巢觀察·····	四二
疊韻寄祝榕巢觀察·····	四二

附錄

郡志古今人傳·····	一
光緒南匯縣志·····	一
叔祖秋塘先生傳·····	一
之照·····	一
墨香居詩鈔·····	一
馮金伯·····	一
述山詩鈔·····	二
唐祖樾·····	二
周浦詩鈔·····	二
王家聲·····	二
白華前稿·····	二
吳省欽·····	二
跋·····	二
馮金伯·火文煥·守潛·····	一
永年·····	一

秋塘蜀道詩卷上

南匯姚蘭泉著

成都雨發

分得黎風雅雨來。纖烏不向筍輿開。翻脰水急搖千脉。背郭山低溼一堆。閒煞
鳬鷗依岸草。洗將戈甲靜邊埃。衝泥直指宜城路。煙景迷離首重回。

晚抵雙流

二江衣帶合。舊是廣都城。飲犢風猶古。鳴鳩雨欲晴。先賢不可作。故里有餘清。
仰止空祠墓。蒼茫煙藹橫。商瞿生瞿上

渡洋馬河

江水紛別派。洋馬當武陽。巨浸恣迅湍。沿涯絕駕梁。轟雷灘勢折。霽雨沙痕長。
浪花濺涼袂。石瀨磨輕航。泛宅仍塵鞅。對鏡乏波光。竹枝莫解唱。杜若誰貽芳。
河中有鯢鯉。河上滿禾桑。望望寶資山。連峯鬱蒼蒼。

卓王孫宅

王孫蹟已零。何處訪門庭。廢趾擎春雨。荒邨照夜星。懸鶉殊失計。蓄婢有遺型。
好事臨邛客。攔街置甕亭。

文君井

唱罷白頭吟。銀牀自汲深。覆桐餘短綆。贈芍在孤琴。有冽從君食。非曾表妾心。

秋塘蜀道詩

二

當壚聊放誕。鑑影遠山沉。

嚴君平故里

卬州東
萬石壩

玩辭消悔吝。棄世善行藏。市近翳還脫。居遺德不忘。解嘲親撰杖。賣卜誰看囊。萬石居民少。誰依俎豆光。

鶴山書阮

了翁居處地。池館付荒烟。兄弟文章著。君臣社稷偏。翠屏圍閣外。白鶴下峯顛。尙友胡安在。長偕易洞傳。

卬州道中

一舟輿馬渡斜江。路轉平畦臥石杠。杭稻縈青迷曲渚。秣菰團綠暗疎窗。東湖當日勞疏濬。西域何人駐節幢。風景于今休養好。農桑動我憶鄉邦。川南士卒急官差。邊嶺還教掃積霾。鹽井茶場寬權稅。峽山瀦水結屏柴。葵榴弄影梢輕蝶。苔蘚凝陰閣亂蛙。襪被幾宵愁月額。漏天近處託衙齋。

迎暉閣晚眺

浹旬去住苦霏微。纔得須臾逗晚暉。試上迎暉閣上望。青山猶自著雲衣。

豁露蒼牙啄女孺。千家竹樹淨浮光。清風披拂名賢座。抖擻塵埃奉瓣香。閣有
了翁
主栗

屋漏和白華先生韻

花版重重瓦亦全。却留微罅雨痕穿。響隨檻外空階滴。潤及牀頭破瑟懸。棊几半同晴隔轍。芥子一任觸虛船。故園歲歲秋風裏。蘿補何堪蹋壁眠。

邛州使院古桂歌

桂之樹。枝相樛。何年吹下廣寒秋。連蜷偃蹇鑿荒院。萬个隣竹同清幽。我來臨邛道。照眼餘火榴。欲看千點綴金粟。尙待八月明玉鉤。浹旬蘭風兼伏雨。遍野綠暗與紅稠。爾桂不枯亦不潤。晴似可喜陰寧愁。招搖有種玄經識。蘭河落實仙家求。植根縱復傍下土。積算要自居上游。况當百卉紛挂眼。荃蕙蕭艾盈一疇。晦堂釋子謾詮解。淮南詞客聊淹留。夜深樹底鳴騷屑。謔謔訕訕呼鵲鷗。婆娑生意觸鄉夢。玲瓏石畔天香浮。謂其城使院古桂

大暑前二日霽登迎暉閣望灌口諸山積雪

西嶽佐命推青城。洞天高矗芙蓉青。陽峯陰峯各二九。亂山西北如連營。臨邛十日作暑雨。王洽潑墨圖山形。鞭撻陽石誅黑蜨。東方還却新銅鉦。千巖蒼蔚草木變。一岫照耀玻璃明。天公每以玉爲戲。撒遍震且搖光晶。留下拳石冷不滅。看煞炙手炎官行。秦烟漢月幾經改。琪花琳樹徒爭榮。水澤腹後倍增霰。火雲墟處仍藏冰。方員珪璧遺跡混。高深陵谷餘寒凝。銀蟾得非蹴碎粒。霜鶴應爲舞雜鬟。蠟屐濟勝絕幽客。拄杖入定憑孤僧。流漸在麓離堆合。鑿霧及巘峨眉平。都安一帶紛聚米。要仗滕六馳翠屏。鳥飛不得越險阻。萬古夷夏消侵凌。

秋塘獨道詩

四

蘊隆下界苦焦渴。遠眺直使心神清。

金鷄關

金鳳橫縣北。金雞環縣東。兩山各分翅。勢欲啄蔡蒙。自入雅安路。略與雲棧同。登頓歷高下。氣候值蘊隆。關前一結束。崖削摩晴空。接葉暗仄徑。奔流阻長虹。禽言易得巧。馬步難爲工。戍卒盡出塞。一夫守有功。折臂詎非幸。莫漫嗤新豐。持以當玉門。早晚歸兵戎。

選入松江詩鈔及海曲詩鈔

宿百丈驛

栖霞山下

翠微歷歷初排闥。皂蓋匆匆未放衙。但聽馬嘶爭食飯。不聞魚眼試煎茶。幾時紅旆還京雒。明日青衣認漢嘉。小住須臾真掣電。臨行繾綣有栖霞。

選入海曲詩鈔

平羌渡望鐵索橋

雅安諸山環郡郭。雅安諸水禹功鑿。奔騰萬馬趨東流。過客喚渡心錯愕。江口一束水愈急。欲往從之通略約。非木非石憑虛空。連貫端委互鐵索。兩版縱施僅容趾。扶闌仍藉銀錯縛。亦有支柱插中流。動搖不定難倚著。行人負戴互來去。風中縣旌勢欲落。俯瞰湍雪轟雷霆。失足詎飽魚龍嚼。蜀道鐵官鎔石蒜。百鍊繞指歸囊橐。不作鋒銛汚赤血。十條鉤鑲牢結絡。億千熙攘濟朝暮。竹簾如梭分寄託。我與乍跨青衣水。長虹穩步穿飛閣。到來不敢捨輕筏。翹首金繩嫌命薄。夾岸烟火紛市囂。日日剪江罕停泊。淫霖比復衝新漲。坎險更肆風波惡。

七年湯旱兆龜坼。未必橋頭履焦涸。漢嘉自昔用武地。變化沙蟲與猿鶴。只今渡瀘遣名將。投鞭橫截不盈杓。惟索可朽鐵可爛。沛澤永永周六幕。徒枉政美稽月令。蕩平遵路看印笏。

登雅州城樓次杜凝臺觀察韻

危譙突儿上青雲。漢甸蠻鄉表裏分。山勢繚垣排巨鎮。江聲駭弩沃斜曛。秋防柳色先侵雪。春貢茶香尙帶雲。父老謾驚烽燧舉。兩階千羽亦行軍。選入海曲詩鈔瘴癘消殘雨露中。儘教帷幄奏膚功。千尋昔嶺貔貅集。一綫和川損鳥通。已見受降歸大版。尙煩轉饒達元戎。武侯佚事徵嚴道。多恐流聞有異同。微外春深冷似冬。蟻緣蝟索路重重。羈縻肯使狼闖野。耕鑿奚愁鼠害農。黃鉞宣威三道震。青林擢秀十分濃。即看右相圖王會。硯砦如麻入賦竇。羌笛聲連戍角聲。蒼茫回首仲宣情。停鞭絕塞思傳檄。拓戟諸侯媿請纓。人語近夷終變夏。天心念雨特舒晴。憑高妍唱留多少。誰識弓衣付別營。

雅州安使院絕句

暮對朝看面面山。日長人靜漏聲閒。不知滴博營前路。蹴躑驊騮幾箇還。柏棚香歎影鬢添。豆蔓藤梢未足誇。記得故園三徑裏。一坪敲罷削甜瓜。衆曲屏山小折枝。仰家扇子引涼颼。雕蟲夢鹿曾何有。禪意風懷也不知。未能借得西山書。且喜沽來丙穴魚。好鳥名花侑深酌。縱然昨宿亦吾廬。

秋塘蜀道詩

六

鼓鼙關後管絃沈。誰譜吟風閣上音。拈取新詞聊解穢。晚涼清吹落孤岑。楊柳州吟

風閣曲譜

隔垣傑閣語簷鈴。灌木叢篁擁翠屏。不借旅人恣登眺。似嫌饞眼注峯青。院外春秋

閣

湖海雙萍聚一洲。對牀剪燭怕言愁。吳山楚水兼燕市。各有巫陽到枕頭。楚辭陳六

峯

爽塏初更問雅材。山川奇處謝公來。擬將好句鐫蒙頂。秋色遙從馬首開。院係新建

白華先生有蒙頂茶歌約以八月偕遊

雅州立秋日作

逝節忽忽報早秋。等閒瓜果漫沉浮。近山涼氣侵朱箔。多雨晴光溼綠洲。杭稻漸看鸚鵡啄。閭閻祇望鼓鼙收。戎機何與書生事。龍臥空思最上頭。

偶然汗漫事遐征。眞作中峽叱馭行。竹葉未隨梧葉下。岫雲還似水雲橫。雀占安信都虛驗。鷗夢閒溪詎背盟。落拓青衫感寥泐。蒯緱彈罷一身輕。選入海曲詩鈔

溽暑將闌尙未闌。卸鞍幾日又憑鞍。寄衣正及吳江冷。按轡初經蜀道難。五夜玉繩心自繫。百蠻銅柱膽應寒。劇憐詞客沙場陷。碧血千年裹一團。時聞璞函趙丈殉歿

選入海曲詩鈔

風雅猶傳賢範堂。時平容易効循良。瞻來井絡星辰近。拓得坤維雨露長。首宿

漸肥輕馬足。靡蕪欲闢墮羊腸。幸鷹饕餮原非假。我亦尊鱸是故鄉。

孟山塘

武侯誓師日。南人初就擒。至今空山下。祠柏猶森森。神勇本學問。大勢歸天心。平夷要不難。東望憂思深。靈風隔千載。遺軌平崎嶇。于役競來往。吾亦隨行險。渡頭黯將夕。密雨來層岑。悠悠榮經道。羌略憑誰尋。

竹屋

如苞資九種。聚族足三間。瓦合鱗鱗剖。櫺疏個個刪。輕宜臨絕磴。賤可伐崇山。詞客名初署。清風謝笏班。

板屋

野人栖止處。彷彿咏西戎。詎假藤蘿補。還教牝牡空。雀穿疑啄木。鶴泛不掀蓬。領勢難爲建。窮檐見土風。

兩關山

小關山。大關山。山容巖巖水澤潏。槎枒百尺蔽圭臬。魍魎九鼎遺神姦。盤紆蛇徑怯壯趾。寥落雁戶攢羸顏。藍輿忽聞繹夫語。如船上水爭邪許。涼蟬爲我送秋暑。白露明令清風舉。不惜芣衣寒。愛將雲霧看。雲消霧滅分層巒。凌虛縹緲生羽翰。危乎高哉坐三歎。兩關山。行路難。選入松江詩鈔及海曲詩鈔

大相嶺

秋塘蜀道詩

八

景川遷後路應平。犖磽終嫌未易行。障日奇峯浮樹影。跨泉虛閣撼蹄聲。百盤
尙想邛人路。千載猶傳漢相名。師出故非勤遠略。蠻荒筐篚自前迎。

清溪縣

黎風吹瘠土。耕少採樵多。歸漢封仍隸。平戎蹟未磨。西師經密驛。南詔互長河。
萬里通夷藏。迢遙更若何。

錢篋

前篋復後篋。採薪滿崇岡。不惜經虎穴。但得錢滿囊。
前篋樵者歌。後篋樵者答。採薪莫採芝。芝好不盈拾。

仙人洞

洞口桃花洞裏泉。何人蒲服漫求仙。漢王若遣文成到。肯讓相如使節先。

大渡河

河源出吐蕃。下流濯峨眉。嶄雅隔襟帶。長虹不可垂。舟移乍逆挽。捩柁箬弦離。
霜雪沃淺瀨。雷霆走長湄。別派宏翕受。旁衝助犇馳。山椒泐水折。齒齒激漣漪。
巨靈雖有掌。焉能障東之。欲洗巴猿愁。先溉旄牛夷。澗落勢初緩。漲消痕漸移。
漁唱渺何處。未許津梁疲。

越嵩道中

沈黎雨去總荒陬。驚埃迢迢著嶺頭。地接侏僂多入夏。時當絺綌亦宜裘。首途

屢繼唐蒙開。大筆曾緣孟獲籌。漢代到今幾沿革。版圖已屬內諸侯。

崎嶇灌莽耐倭遲。瘴氣潛從塞外移。疏淪不遺魚洞水。懷柔直及馬湖夷。幸臣

死後銅山徙。道中有運甯遠銅者猛將生前石碣治。天王山下劉縱碑鯨鯢封處上駟詎煩勤作貢。賈

牛處處重耕犁。宋時耕部貢馬

信宿淞緣路未央。西番力役較馴良。催科自是除荒徼。廢衛還爲列上綱。衛保新改

守通六詔烟雲天際合。三秋風露鬢邊涼。斯文不隔方隅遠。石上騾痕應戴筐。昌文

跡遺

鳳凰門上鳳凰稀。鸚鵡山中鸚鵡飛。翠冷紅疎工點綴。沙圓渚曲靜因依。叱羊

淺草終離窖。採蠟深林要繫圍。一束堯封虎蛟徙。優遊跋履任忘機。

仙人掌

出土寧扶幹。非枝亦綴花。纖纖膚有刺。側側指連樞。玉采闐河韞。金莖漢月斜。

洪厓肩拍後。攜手到山家。

曬經石

飛錫遺蹤滿蜀都。梵王似不衛馳驅。至今一片山間石。曾有微功在苾芻。

由平夷至大灣

萬壑樹陰森。飛泉漱玉音。細花清露浣。幽鳥白雲吟。佛火長教現。蠻烟早已沉。

秋懷滿征路。策馬去駸駸。

秋塘蜀道詩

一〇

宿海棠驛

會說碧雞坊。豐姿擅海棠。南充留客子。西府憶仙郎。孤館寒鐙剔。名花舊圃荒。燕遊誰復理。風雨颯蠻鄉。

羅羅河

雨降添山泉。泉流溢河水。乍盈還乍虛。有源復有委。夏秋每泛濫。深淺竟尺咫。沒踝信舁籃。濡蹙競揚箠。涸處石似枯。瀉來湍何泚。萋草脫淪胥。團瓢資挹彼。潭心掬未晷。岸口防初弛。想當波浪洶。計絕舟航艤。連朝披絮晴。幾輩褰裳喜。杭稻畦尚滋。龜鼈宅已徙。小閤麻姑塵。擬續道元紙。匹如草澤豪。興廢須臾耳。

小相嶺

移營漸出嶺州南。羽扇揮殘絕頂嵐。去去未妨夷縱七。懸懸祇爲鼎分三。崎嶇損鳥猶應畏。沉湎溪山已覺酣。顛米迂倪皴不到。畫圖何處慙幽探。

下相嶺歷象鼻白石塘雨大作

山游似啖蔗。節節味逾美。相嶺方後捐。神皋復前指。本非路可闢。蔓壑去天咫。何人施狡獪。細繖亂雲裏。白日不到處。陰幽秘譎詭。萬樹作慘呼。風挾怪禽嘴。欲銜龍洞開。詎敢趨而眎。格格困馬蹏。融融注石髓。峭壁千仞削。危梁獨木倚。蟄物富淵藪。孰與窮奸宄。倏經礮閃紅。雷霆走確礮。翻身決毒霧。黯黯滂沱起。穿林撲面來。大半雜冰子。感召香難知。呵護或在是。不愁沴氣侵。但得醜類徙。